

Manmin nga mga Balita

NO. 49 ENERO 4, 2015

Pahalipay'ng Mensahe sa Senyor Pastor

“Bangon, sidlak kay miabot na ang imong kahayag, og ang himaya sa Ginoo nagdan-ag na ninyo. Tabonan sa kangitngit ang kalibotan, og ang katawhan tikyopan sa kangioh. Apan ang Ginoo mosidlak kanimo, og makita diha kanimo ang iyang himaya. Ang kanasoran moduol sa imong kahayag, og ang mga hari moduol sa lamdag sa imong kahayag” (Isaias 60:1-3).

Mahal nga mga kaigsoonan diha ni Kristo: Sa iyang probidensya ining naghinapos nga panahon aron makadawat sa Ginoo nga kinsa mobalik pag usab, ang Dios mitukod sa Manmin Central Church niadtong 1982, og siya mismo ang nag giya ining simbahana. Atong ihatag ang tanang pasalamat og himaya ngadto niya!

Pag 2014, ang ika 32 nga tuig sa simbahan, ang Dios nihatag og 4 ka titulo sa pag ampo – ‘I Will Do It’, ‘Ministry’, ‘Shining Sanctuary’, og ‘Work of Recreation’ ngadto sa simbahan. Sa katuigan iyang gipanalanginan ang Manmin aron makaabot sa kapaigoan sa espiritu, aron naay paglaom sa Bag-ong Herusalem, ang pinaka nindot nga puloy-anan sa Langit, og aron makaangkong og paglaom nga makasulod sa una og ika-2 indana sa palasyo sa magbalantay!

Dugang pa, sa 2015 atong madawat ang mga panalangin nga maoy mangibabaw sa panghanduraw pinaagi sa gahom sa re-creation og maghatag og dakong kahimayaan sa Dios. Karon atong tan-awon ang mga titulo sa pag ampo nga gihatag sa Dios para sa 2015 og ang mga pamaagi aron madawat ang mga grasya nga giandam sa Dios.

Ang una ‘Himaya’ – mas labaw tang makig hiusa sa magbalantay og maghatag og hingpit nga ‘himaya’ sa Dios

Hageo 2:9 nag ingon, “‘Ang Bag-ong Templo mas matahom pa unya kaysa daan og pauswagon ko ang akong katawhan’, ang Ginoo nga Labing Gamhanan maoy nagsulti ini.”

Sa kadaghan sa simbahan sa kalibotan, ang Manmin Central Church maoy simbahan nga gitukod sa probidensya sa Dios pinaagi mismo Niya. Ang simbahan gihimo para sa tumong nga makab-ot ang probidensya sa naghinapos nga panahon og aron mahimong hingpit nga himaya sa Dios.

Ang Dios nitugot sa pagbaha sa espiritu, diin nga ang simbahan nakasabot sa lawum nga dughan sa Dios og sa Iyang probidensya sa Manmin, aron mahimong saksi sa iyang gahom, og aron maka eksperyensya sa Iyang hustisya pinaagi sa magbaantay. Tinuod, ang Dios nahimaya na karon pinaagi sa pagpadayon pagtuman sa Manmin sa pag ebanghelyo sa nasod og sa misyon sa kalibotanhilabi na sa pagpakatag sa pagkabalaan

sa ebanghelyo og sa gamhanang lihok didto sa Israel. Apan ang Dios buot nga makadawat og mas labaw pang himaya kaysa nanglabay.

Kon ang bag-ong himaya mas dako kaysa nangagi kini maka atrak sa mga mata sa mga tawo sa tanang nasod og mahimo nilang mailhan ang buhi. Mao nga sa 2015, mas labaw tang mahiusa uban sa magbalantay nga naa sa tunga og pinaagi ana madawat ang masakupong mga panalangin nga giandam sa Dios og maghatag sa hingpit nga himaya ngadto Niya.

Ang ika-2 ‘Bunga’ – magdala ta og nindot nga ‘bunga’ sa katibuok sa espiritu nga maoy buot sa Dios

1 Tesalonica 5:23 mabasa, “Hinaot unta nga ang Dios nga maghatag natog kalinaw hingpit nga maghimo kaninyong balaan aron walay makitang salawayon sa tibuok ninyong pagkatawo – sa espiritu, kalag og lawas hangtod sa pag abot sa atong Ginoong Hesu Kristo.”

Para sa Dios, ang tawong tibuok og espiritu hingpit nga bunga sa pag alima sa katawhan. Ang luha og sakripisyo sa magbalantay maoy nag aghat sa pagbaha sa espiritu diin ang tawo maduso ngadto sa sukdanan sa espiritu og sa kinatibukan ini. Dili lang ta mosakay ining bahaa apan mo ngadto ta sa kalibotan uban ang panyo sa gahom og mogiya sa daghang kalag ngadto sa Ginoo. Sa paghimo ini, kinahanglan nga kita abunda nga magdala sa maayo og hingpit nga bunga sa katibuok sa espiritu.

Ang probidensya sa Dios ining simbahana sa naghinapos nga panahon, dili lang sa magbalantay o sa pipila ka tawong naay tibuok nga espiritu. Apan sa daghang katawhan sa katibuok sa espiritu og makig ambit sa panglantaw sa magbalantay, og dinhi hingpit nga makab-ot ang pagpamuhat sa Dios.

Ikatulo, atong buhaton ang ‘beautiful sanctuary’ nga maoy puy-an sa himaya sa Dios

Gipadayag 21:10-11 nag ingon, “Unya gigamhan ako sa Espiritu og gidala sa anghel ngadto sa tumoy sa habog nga bukid og gipakita nako ang Herusalem, ang Balaang Siyudad nga mikunsad gikan sa langit og gikan sa Dios. Nagilak-gilak kini sa himaya sa Dios. Migilak ang siyudad sama sa mahalong bato nga

haspe og tin-aw sama sa Kristal.”

Ang Dios naghimo og paagi aron ang simbahan maghimo sa nindot nga santuwaryo sama sa himaya sa Bag-ong Herusalem. Labaw sa tanan, Siya naglaom sa paghimo sa santuwaryo, ang lugar diin ang Dios mahimaya pinaagi sa pagdayeg og pagpasidungog nga ihalad sa Iyang balaang mga anak. Kining dakong proyekto sa ‘Canaan’ og ‘Grand Sanctuary’ mo sugod na dayon inig abot sa insaktong panalangin. Gi awthag ko ikaw nga moapil ining nag gilak nga himaya pinaagi sa pag kab-ot sa dugan sa espiritu og sa tibuok espiritu nga maoy buot sa Dios.

Kataposan, ang gahom sa ‘re-creation’ mahikyad diha sa paghanduraw

Ang ‘power of re-creation’ nagpasabot sa gahom nga mohimo pag usab sa langit, kalibotan, og sa tanang butang ini nga gihimo sa Dios (Genesis 1:3). Ang lihok sa pagpamuhat pag usab nakita na pinaagi sa nangibabaw’ng gugma sa magbalantay og nibag-o sa original nga kasingkasing. Kining klaseha sa lihok mas labaw pa unyang makita.

Karon ang kalibotan puno sa sala og daotan nga nihit na tang makakita og kamaayo. Ang tawo dili bug-os nga modawat sa Ginoo. Bisan pa, ang gahom sa re-creation mo bag-o sa tawong masilagon nga imposibleng maluwas, bisan sama ni Judas Iscariot, mahimong moluhod sa ngalan sa Dios. Ining paagiha nga ang tanang katawhan sa tanang nasod magiyahan sa dalan sa kaluwasan, sa tubag, og sa mga panalangin. Sa samang higayon, daghang miyembro mo paingon sa Bag-ong Herusalem, nga maoy hingpit nga mohatag og kahimayaan sa Dios.

Mahal nga mga pastor og tanang miyembro sa duolan sa 10,000 nga mga sanga og nakig ubang simbahan, daghan pa ang atong buluhaton sa 2015 aron matuman ang probidensya sa Dios sa naghinapos nga panahon. Ako mag ampo sa ngalan sa Ginoo nga ikaw dali nga mahimong bunga sa espiritu og sa tibuok espiritu, makatuman sa probidensya sa end-time uban sa imong magbalantay, og makasulod sa Bag-ong Herusalem nga puno sa himaya sa Dios.

Senior Pastor Dr. Jaerock Lee
28 december 2014



Senyor Pastor Dr. Jaerock Lee

“Ayaw Pasipad-i ang Ngalan sa Ginoo nga Inyong Dios”

“Ayaw pasipad-i paggamit ang akong ngalan. Ako si Yahweh nga inyong Dios. Silotan ko si bisan kinsa nga magpasipala sa akong ngalan” (Exodo 20:7).

Ikaduha, ang pagpasipala sa Iyang ngan maoy pagtamay sa Dios, mao nga kini sala

Sa Collins English Dictionary, ang ‘pagpasipala sa ngan’ nagtino nga kuwang sa respitar. Mao nga ang pagpasipala sa ngalan sa Dios nagpasabot nga imong gigamit ang balaang ngan sa Dios sa dili saktong pamatasan.

Ang Dios mosilot gyod niadtong mopasipala sa Iyang ngan. Karon atong tugkaron nganong sala ang pagpasipala sa ngalan sa Dios, og angay silotan.

Una, kini nagpasabot nga wala sila motoo sa Dios Magbubuhay og kini sala

Sa mga ‘philosophers’ nga nagsulay pagpakisayod sa kinabuhi og sa tanang butang, naa nilay moingon nga patay ang Dios, og ang ubang ordinaryong tawo moingon lang dyon nga wala Dios.

Ang Russian-astronaut niingon nga wala siyay Dios nga nakita human sa iyang pag adto sa kawanangan. Bisan pa, ang American-astronaut human sa ilang pagpanaw nagdto sa kawanangan niingon nga ilang nabati ang presensya sa Dios. Isip ‘astronaut’, ang katong Russian nasayod kaayo nga ang iyang nakita og naadtoan gamay pa kaayo kung maghisgot og tibuok kalibotan. Apan, niingon siya nga ang Dios, nga maoy naghimo sa kalibotan dila tinuod human nga iya lang nakita ang gamay nga parti sa kalibotan! Unsa ka binuang!

Salmo 53:1 mabasa, “Ang mga buang buang nag-ingon sa ilang kaugalingon, ‘wala Dios’. Daotan silang tanan; grabi ka ngil-ad ang buhat nila og wala gayoy nagbuhay og matarong.” Kon motan-aw ta sa palibot uban ang mapaubanong dughan, makakita ta og daghang kamatuuran nga naa gyod ang buhi nga Dios (Roma 1:20).

Labot pa, daghang magwawali nagpamatuud sa buhi nga Dios og sa Ginoong Hesu Kristo. Apan kon ang ubang bato og dughan mo salikway sa Dios, og magpasipala pa sa ngan sa Dios, kini sala gyod og masangpot sa silot.

Ang pagtamay maoy pagbiay biay og dili pagtahod. Kinsay moingon nga dili sad-an og mangurso pag bugalbugal sa Dios Magbubuhay?

Salmo 96:4 nag-ingon, “Gamhanan ang Ginoo og angayan gyong daygon; kahadloki siya labaw sa tanang dios.” Exodo 33:20 mabasa, “Og miingon pa gyod siya, ‘Dili ka makakita sa akong nawong kay walay tawo nga makakita nako nga magpabiling buhi!’” Sa nahisulat, ang Dios gamhanan (1 Timoteo 6:16).

Sa Korea dili ta basta lang mosangpit sa ngan sa atong ginikanan o sa tawong atong gitahod. Kon mosangpit ta nila, mogamit ta og mga pulong pagtahod. Ang katawhan sa Israel, kon magbasa sa Bibliya dili sila basta nalang molitok sa ngan sa Dios. Kon naa ang ngan sa ‘Ginoong Dios’ sa Bibliya, moingon sila nga, ‘Adonai’, pasabot ‘Akong Ginoo’, dili mo diretso paglitok sa gamhanang ngan sa Dios.

Apan karon bisan mga magtotoo mogamit sa ngan sa Dios o mo kutlo sa Bibliya aron mohimo og mga komidya nga walay pulus, kini pagtamay sa Dios.

Ang pag panghambog gamit ang ngan sa Dios pagpasipala sad Niya. Pananglitan naay usang maka ideya gamit lang ang iyang kaugalingong hunahuna, apan siya moingon nga iyang nadunggog ang tingog sa Dios o siya nakadawat sa pagdasig sa Espiritu. Kon iyang dad-on ang ngan sa Dios ining paagiha kini walay pagtahod.

Ang Dios nahibaw sa atong mga dughan, hunahuna, pulong, og binuhatan og mo husga pinasubay sa atong nabuhay. Sa pagtoo ini, dili ta makahimo og sala sa pagpangurso sa pagpasipala og pagtamay sa Iyang ngalan.

Nia pay usa ka butang nga angay natong bantayan. Kon kita nagtahod sa Dios, kinahanglan nga magbantay ta mahitungod sa pagbuhay sa mga butang nga naay kalabotan sa Dios apil na ang pagsulti sa Iyang ngan.

Kon kita magbasa o mo kutlo sa

Bibliya, ato gyod ning buhaton sa maayong pamatasan. Atong panggaon ang santuwaryo og mga butang niini og atimanon. Kon kita ang tigdumala sa kwarta sa simbahan, atong gamiton sa saktong maayong pag atiman. Kon masayop ta unya makabuak og baso o bildo sa simbahan dili ni nato pasagdan. Kahibalo ta nga bisan ang mga ginagmay’ng butang bililhon kay iya sa Dios.

Kon mag estorya ta nga ang Dios nga garantiya uban sa Iyang gahom, o mahitungod sa lihok sa Espiritu Santo, kinahanglan nga mabinantayon ta nga dili mo husga o mo estoryag binastos gamit ang unodnong hunahuna. Sa giingon, kon nagtahod ta sa Dios, atong tahoron ang tanang butang nga iya sa Dios sa maayong pamatasan.

Ikatulo, sa ngan sa Dios nga sila nanghambog

Ang ‘Old Testament’ nagpakita sa mini nga mga propeta nga nagpahisalaag sa katawhan pinaagi sa pagproklama sa bisan unsa nga wala pa gisulti sa Pulong sa Dios o propisiya gikan sa Dios. Ang Dios nagpahimangno ining mga tawhana sa Deuteronomio 18:20, “Apan kon ang maong propeta mosultig mensahe nga wala ko ipasulti niya og unya magpatoo nga gisugo ko siya o magsulti sa ngalan sa ubang dios, kinahanglang patyon siya.”

Kon mangurso pagsultig bakak ubos sa ngan sa Dios, ang silot kamatayon og kining mga tawhana lang ang naghimo nga sila masilotan (Gipadayag 21:8). Kon manaad ubos sa ngan sa Dios, og dili motuman, kini bakak og pagpasipala sa Iyang ngan. Sa giingon sa Levitico 19:21, “Og ayaw usab panumpa og bakak ginamit ang akong ngalan kay sa ingon gipasipad-an ninyo ang ngalan sa inyong Dios. Ako mao si Yahweh.”

Apan karon bisan ang ubang magtotoo mamakak gamit ang ngan sa Dios. Nabatasan na nilang moingon, “Akong nadunggog ang tingog sa Espiritu Santo samtang nag ampo” o “Ang Dios maoy naghimo ani” bisan dili gud to lihok sa Dios.

Tinuod ang anak sa Dios mahimong

makadunggog sa tingog sa Espiritu Santo og magiyahan Niya, apan dili tanang anak maka dunggog dayon sa tingog sa Espiritu. Sa dakong paningkamot sa pagpalayas sa sala og pagpuli ini sa matuud, mahimo silang klarong maka dunggog. Bisan pa man og ila nang madunggan, kinahanglan nga sila moagi og proseso sa pagbansay aron sa pag ila sa maong tingog 100%. Kon dili pa ta klarong makaila, dili gyod ta mohukom nga kana lihok sa Espiritu o dili.

Mao sad sa ubang espirituwal nga eksperyensya sama sa damgo o panglantaw. Ang ubang damgo gikan sa Dios, apan ang uban gikan sa kaugalingong hunahuna o gikan sa yawa. Dili dayon ta mahimong moingon nga ang atong damgo gikan sa Dios. Og naay moingon nato nga gisultian siya sa Espiritu Santo, magmabinantayon ta. Og dili moingon dayon nga, ‘gikan’ o ‘dili’ tingog sa Espiritu Santo.

Ang ubang tawo mag atubang og kalisdanan tungod sa ilang kaugalingong sala, apan moingon, “Gi igo ko sa Dios.” Og ang butang nga ilang gusto mahitabo, moingon dayon “Gi grasyahan ko sa Dios.” Apan kon sa kapulihay dili mag maayo ang mga butang ngadto nila, moingon sila, “Nagdumili ang Dios nako.” Dali kaayo nilang usbon ang ilang gipanulti og dali kaayo nilang gamiton ang ngan sa Dios sa dili maayo. Ang uban naghunahuna nga mao kini pag ila sa pagtoo, apan ang pag uran-uran og gamit sa ngan sa Dios dako kaayog kalahian.

Ang katong niila sa Dios sa tanang butang mabinantayon kaayong molitok sa ngan sa Dios og magsulay gyod sa pagbuhay sa matuud.

Mahal nga kaigsoonan ni Kristo, kon imong pasidunggan ang Dios diha sa imong dughan, dili nimo pasipad-an ang Iyang ngan og imong himoon ang tanan uban ang pagpasidunggog sa Dios.

Ako mag ampo sa ngan sa Ginoo nga pinaagi sa pagbuhay ini ikaw makadawat sad og pasidunggog gikan sa Dios og maka garantiya sa imong tanang mga pulong og binuhatan (1 Samuel 2:30) og magiyahan sa pinaka nindot nga lugar sa Langit.

Ang Pag-angkon sa Pagtuo

1. “Manmin Central Church” nagtuo nga ang Bibliya mao ang gininhawang pulong sa Diyos, perpekto og walay sipat.
2. “Manmin Central Church” nagtuo sa panaghiusa’ng lihok sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagtuo nga kita mapasaylo sa atong mga kasal-anan pinaagi lamang sa dugo ni Hesu Kristo.
4. “Manmin Central Church” nagtuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtuo diha sa “The Apostles’ Creed”, sila nagtuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

Manmin nga mga **Balita**

Published by Manmin Central Church

Bisayan

29, Digital-ro 26-gil, Guro-gu, Seoul, Korea, 152-848
Tel: 82-2-818-7047 Fax: 82-2-818-7048
http://www.manmin.org/english / www.manminnews.com
E-mail: manminministry@manmin.org
Publisher: Dr. Jaerock Lee
Managing Editor: Geumsun Vin

Imo bang na Eksperyensya ang Lihok sa Espiritu Santo?

Ang 'Acts of Apostles' naghulagway kon giunsa pagdawat sa mga apostoles ang Espiritu Santo og gahum; giunsa nila pagsabwag ang ebanghelyo sa Herusalem, Judea, Samaria, og ngadto sa tumoy sa kalibotan. Partikular, sa unang duha ka kapitulo naghatag sa detalyang pangaliya sa nabanhaw nga Ginoo sa dili pa ang Iyang pagkayab og sa insidenteng nahitabo didto sa Mark's upper-room. Ang 120 ka mga tawo didto maunongon nga nag ampo aron makadawat sa Espiritu Santo og sa gahom, sa pagdasig sa nabanhaw nga Ginoo. Unya ang kahibulongang lihok nahitabo – napuno sila sa Espiritu Santo og nagsultig lahing pinulongan nga hinatag sa Espiritu nila og niana lang adlaw napuno ang 3,000 ka mga kalag. Mao ni ang sinugdanan sa Nanag-unang Simbahan.

Ang maong lihok sa Espiritu nahitabo ining naghinapos nga panahon nga puno sa sala og nagpakita sa dalan sa kaluwasan ngadto sa daghang kalag. Karon atong tukion ang lihok sa Espiritu.

I. Ang lihok sa Espiritu sama kalumo sa salampati:

miayo sa mga samaran og nihatag nilag kalinaw

“Human gayod pagbunyang ni Hesus, mikawas siya sa tubig. Unya naabli ang langit og nakita niya ang Espiritu sa Dios nga mipaubos daw salampati og mitugdon Kaniya” (Mateo 3:16).

Ang Dios niingon ni John the Baptist, nga Siya nga imong nakita mao ang Espiritu og magpabilin diha Kaniya mao si Kristo. Og iyang nasaksihan nga ang langit niabli og ang Espiritu mipaubos sama sa pati og nidan-ag ni Hesus human nga Siya nabunyang. Sa pagkakita ini, si John niila nga si Hesus Anak sa Dios.

Ang Espiritu nipaubos sama sa pati kini wala magpasabot nga aktuwal nga pati ang nanaog apan

nagsimbolo nga ang Espiritu ninaog 'lumo og maaghup' sama ni Hesus. Kini nagpasabot nga ang lihok sa Espiritu managlahi pinasubay sa matag personalidad og sitwasyon. Kon ang Espiritu mokanaog sama sa pati, dili lang Niya ayohon ang mga sakit apan mo sulbad espirituwa, mental, og sa mga problema sa negosyo, og tungod ana Siya moayo sa samdan nga mga kalag og mohatag nilag kalinaw.

II. Lihok sa Espiritu sama ka bugnaw sa hangin:

mo uban sa grasya sa bug-os nga paghinulsol og kasiguruan sa kaayohan

“Og sa kalit lang may haguros gikan sa langit sama sa kusog nga huros sa hangin og milukop kini sa tibuok balay nga ilang gitiguman” (Buhat 2:2).

Ang sama sa huros sa hangin mohatag og ka presko sa dughan sa tawo. Kon ang Espiritu molihok sama ini, gamhanan kaayo ni og makusganong mohuyop, og usahay mahitabo ni sa tibuok kalibotan.

Kon kita maghinulsol pag ayo pinaagi ining maong lihok sa Espiritu, kita ma presko og nindot ang pamati; bugnaw ang atong pamati sa tibuok lawas sama nga nagkaon og 'mint'; o atong mabati ang kanindot og makasiguro sa kaayohan sa sakit.

Sa Bibliya, ang kinaiya og gahum sa Dios gihulagway sa daghang paagi pinaagi sa 'hangin' (Exodo 14:21; 1 Hari

18:45; Hosea 13:15). Si Hesus naghisama sad sa lihok sa Espiritu sa hangin, niingon, “Ang hangin mohuros bisan asa kini buot mopadulong; madungog mo ang paghuros ini, apan wala ka mahibalo diin kini gikan o asa paingon. Sama usab ini ang tanan nga matawo pinaagi sa Espiritu” (Juan 3:8).

Ang hangin dili makita, mao nga dili ta mahibalo diin ni gikan og asa padulong. Apan nahibaw ta nga naay hangin tungod sa mga dahon nga molihok kon maigo sa hangin. Sa samang paagi, dili ta makakita og maka hikap sa Espiritu Santo apan atong mabati ang Iyang presensya pinaagi sa pag bag-o sa dughan og pinaagi sa Iyang gamhanang lihok.

III. Lihok sa Espiritu sama sa kainit sa kalayo:

mosunog sa gamot sa mga sakit, kusog sa kangitngit, og kinaiyang makasasala

“Unya nakakita siyang daw mga dila nga kalayo nga nagtungtong diha sa matag usa nila” (Buhat 2:3).

Ang Biblia perming mosaysay sa Espiritu sama sa 'kalayo'. Si John the Baptist niingon, mahitungod kang Hesus, “Bunyang kamo Niya pinaagi sa Espiritu Santo og sa kalayo” (Lucas 3:16). Og sa Hebreo 12:29 nag ingon, “Kay ang atong Dios sama sa kalayo nga mosunog gyod.” Kita mabunyang sa kalayo sa Espiritu Santo kon atong madawat ang kalayo.

Kon atong madawat ang bunyang sa kalayo sa Espiritu, ang atong lawas manginit, ang ugat sa mga sakit masunog, og ang kusog sa kangitngit mawala og mopahawa.

Mosunog kini sa makasasalang kinaiya og sa pagkahigot sa kalibotan, og mohatag natog kusog aron matinguhaong mag apas sa gugma sa Dios, og pinaagi niana makahimo ta sa mga butang nga dili nato mahimo kon sa ato lang kaugalingong kusog.

Ang gahom sa Espiritu makasulbad sa bisan unsang problema, makahimo sa tanan, og makaayo sa tanang klase sa sakit. O tinuod, aron makadawat sa kaayohan, ato gyod unang gub-on ang paril sa mga sala tungod kay ang tanang mga sakit gikan sa sala (Exodo 15:26).

IV. Ang gahum sa Espiritu magpakita sa talagsaong milagro:

Muan Sweet Water, panyo sa gahum, og gahum sa re-creation

“Nagbuhat ang Dios og talagsaong mga milagro pinaagi kang Pablo. Bisan ang mga panyo og tapis nga iyang gigamit gidala ngadto sa mga masakit og naayo ang ilang mga sakit og nanggula gikan nila ang mga daotang espiritu” (Buhat 19:11-12).

Ang Bibliya puno sa kahibulongan og katingalahang mga butang. Si Hesus nilakaw sa dagat, nipakalma sa unos og dagkong balud, nipakaon sa linibo nga katawhan pinaagi lang sa 5 ka pan og 2 ka isda, og nibuhi ni Lazarus nga upat na kaadlaw'ng patay.

Si Apostol Pedro og Pablo nakadawat sa gahom, og nibuhi sa patay og nipalakaw sa tawong bakol sukad pa sa iyang pagkatawo (Buhat 3:1-10, 14:8-10). Bisan pa gani si Apostol Pablo nipakita sa talagsaong milagro nga ang panyo og tapis nga diha niya gidala ngadto sa lawas sa masakiton, og ang mga sakit nibiya nila og ang daotang espiritu nang layas diha nila (Buhat

19:11-12).

Ang Dios mao gihapon kaniadto og karon. Karon ang Dios nga labaw'ng makagagahum motugot nato sa pag eksperyensya sa talagsaong mga butang nga maoy mangibabaw sa hunahunang tawhanon pinaagi sa gahom sa Espiritu kon kita motoo Niya.

Si Hesus niingon sa Juan 14:12, “Ang tinuod mao kini: ang motoo kanako magbuhat sa akong mga buhat og magbuhat siyang labaw pa niini kay moadto man ako sa Amahan.” Atong ihatag ang tanang pasalamat og himaya ngadto sa Dios nga nagpamatuod sa Pulong pinaagi sa walay puas nga pagpakita og mga ilhanan pinaagi sa gamhanang lihok sa Espiritu.



Natawo ko sa Hindu-family og walay kasayoran sa pagka Kristohanon. Apan sa edad nga 20, akong gidawat ang Ginoo human maka dungog ini sa akong propisor sa kolihyo.

Unya ang akong inahan nga kamatayon sa wala mailhing sakit, kompleto nga naayo. Human niana ang akong tibuok pamilya na Kristohanon. Samtang nagmatinguhaon ko sa akong Kristohanong kinabuhi, naminyo ko ni Priscilla Navaraji Owen nga anak og pastor.

Ang akong ugangan ang kanhi Pastor Owen Roberts maoy Presidente sa Good Samaritan Fellowship, pinasidunggan og hinigugma siya sa daghang mga Kristohanon sa India. Nag trabaho siya ni Dr. Jaerock Lee sa India United Crusade 2002 isip presidente sa Organizing Committee. Atol ini, propisor ko sa “chemistry” sa “Karunya University”. Nagtabang ko niya pinaagi sa pag-ampo, og ang krusada malampuson nga giilang maoy pinaka nindot nga krusada sa Kristohanong kasaysayan nga ni atrak sa dili mo minus sa 3 ka milyong katawhan.

Klaro kaayo ang mensahe ni Dr. Lee og pinaagi sa iyang pag ampo daghang katawhan ang nangaayo sa ilang mga sakit. Kining maong krusada naay dakong impak sa kabag-ohan sa mga Kristohanong simbahan sa India.

Human ana sa Pastor Owen ni pahinungud sa pag bugkus sa mga Indian Christian Churches aron mahiusa og para sa kabag-ohan isip maoy ‘founder’ og Presidente sa Synod of Pentecostal Churches sa Tamil Nadu.

Tuig 2003, niapil ko sa trabaho ni Dr. Jaerock Lee sa sermon-program “The Message of the Cross” sa Tamil nga sinultian. Gisibya ni pinaagi sa SS TV, kanhi SS Music. Nag edit sad ko sa Iyang

“Akong na eksperyensya ang gugma sa Dios og ang Iyang gahum”

Dr. George Robert,
Senyor Pastor sa Praise Tower City Church, India



Dr. George Robert uban sa iyang asawa Mrs. Priscilla Navaraji Owen atubangan sa Muan Sweet Water Aquarium

testimonyal nga libro *Tasting Eternal Life before Death* sa Tamil. Samtang akong nahunahuna ang kahibulongang kabubut-on sa Dios og natandog kaayo. Ining mga panahona naghimo ko sa akong matinud anong kinabuhi sa Praise Tower City Church og nag boluntaryo sa simbahan. Si Pastor Owen Roberts gusto nga ako mahimong pastor og mo tabang niya.

Pag 2010, namatay siya, og akong nabati nga ang Dios nitawag nako og nahimo kong pastor.

Sa gihapon, nagsige ko og tan-aw sa mga sermon nga programa ni Dr. Jaerock Lee og sa mga nindot nga programa sa GCN (www.gcnetv.org). Samtang gusto gyod kong mo bisita sa Manmin Central Church og motan-aw ni Dr. Lee sa

personal.

Oktobre 2014, nakaabot gyod ko sa Seoul sa dihang ang Manmin nag saulog sa ilang ika-32 nga anibersaryo. Si Senyor Pastor Dr. Lee mapaubsanon kaayo og tinuod nga tawo sa Dios nga mohimo sa mga ilhanan, kahibulongan, og gamhanang lihok nga nahisulat sa Bibliya. Akong nakita ang iyang dughan nga puno sa gugma. Ako pa ganing na eksperyensya ang kaayohang lihok – naayo ang nagsakit nakong abaga.

Dili ni nako ma alsa ang akong wala nga bukton sugod adtong milabay nga tuig. Grabi kaayo ang kasakit makahunahuna nalang ko nga ‘maypag wala nalang koy wala nga bukton.’ Gitambalan ko og iladong ‘neurosurgeon’, nag ‘acupuncture’, og nag inom og mga tambal. Apan walay kausaban.

Apan ang kahibulongang lihok nahitabo sa sunod nga adlaw sa Manmin’s 32nd anniversary. Uban sa daghang bisita, ni ngadto sad ko sa nahimutang sa Muan Sweet Water diin ang parat nga tubig sa dagat nahimong tam-is nga mainom pinaagi sa pag ampo ni Dr. Lee. Akong gi tuslob ang akong kaugalingon sa tubig 7-ka higayon. Paghuman dayon ana ako nang malihok ang akong bukton! Halleluyah!

Balik sa India, ako perming gipahinumduman ang akong kaugalingon sa gugma og serbisyo ni Dr. Lee og nag serbisyo ko sa mga miyembro sa among simbahan uban ang gugma. Nagpadayon ko og paminaw sa mga mensahe ni Dr. Lee sa GCN og sa internet. Gihatagan sad ko sa mga sermon ni Pastor Joseph Han, sa Chennai Manmin Church sa India.

Akong pasalamat og himayaon ang Dios nga nitugot nga akong mahibaw-an ang bililhong balaan nga ebanghelyo.

“Salamat, Ginoo sa pagluwas sa akong amahan og paghatag nako sa grasya nga manamkon”

Sister Chillina, 29 anyos, Chinese Parish



Natawo ko sa Jilin City, China og mosimba sunod sa akong inahan. Apan wala ko magsunod sa maayong Kristohanong kinabuhi.

Ang akong amahan init kaayo og ulo, mapugsanon og estrikto. Iyang dapatan ang akong inahan og dili ko kadawat. Gusto kong molayas sa amo tungod niya.

Enero 2007, ningadto ko sa South Korea og nagsugod sa akong matoohong kinabuhi sa Manmin Central Church sa sugo sa akong

inahan. Apan tagsa ra ko moadto sa simbahan kay nabalaka ko sa daghang butang og gikinahanglan nga makakita og kwarta.

Wala madugay, niapas sa South Korea ang akong ginikanan. Ang akong inahan nag ampo nako og ang akong amahan nag antos sa diabetes. Pagkakita nako nila naghinulsol ko og akong natagboan ang Dios sa gugma.

Pag 2012, ang akong inahan gusto nga magbasol ang akong amahan sa mga nanglabay niya nga mga daotang buhat og aron makasulod sa Langit mao nga naghinulsol siya isip puli sa akong amahan. Nag ampo sad ko nga akong mapasaylo ang akong amahan og tubag ini ako siyang nasabtan.

Unya, ang akong amahan nga nabuta tungod sa diabetes, nakakita pagbalik tungod sa pag-ampo ni Dr. Jaerock

Lee. Nisimba na siya, naka angkon og pagtoo, og naghinulsol.

Pag 2013, nakakita siyag dakong kasagbutan og kabuwakan sa iyang damgo og niingon nga nindot kaayo ang iyang gibati. Nagsakay siya sa karwahe og nakadawat og duha ka yawi diha sa damgo. Niingon, “Kanindot! Moadto ko sa Langit!” Lipay kaayo murag bata og namatay.

Tungod ini, nakatoo gyod ko sa Langit og ang dakong panalangin naabot nako.

Naningkamot kong manamkon sulod sa 2-katuig pero wala. Apan human sa akong pagdawat sa pag ampo ni Dr. Lee niadtong ‘Lunar New Year’, nanamkon ko! Og nanganak og baskog nga batang lalake niadtong Oktobre 13, 2014. Akong pasalamat og pasidungan ang Dios og ang Ginoo!

Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Potato St, J-Figuera Sampaloc, Manila, Pilipinas Pastor Peter Bae Pastor Lucy Lee 2-735-1423	067 Daang Bago, Dinalupihan, Bataan, Pilipinas Pastor Peter Bae 0910-262-5465	Purok 3, Brgy, San Roque, San Mateo, Isabela, Pilipinas Pastor Peter Bae Pastor Lucy Lee 0905-649-1120	5 Lot 33 Bk 1, Canutuhan (tenant), Santiago Gen. Trias, Cavite, Pilipinas Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Pilipinas Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Pilipinas Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Pilipinas Pastor Kathryn Kim 0908-635-2714